

詳校官助教 李巖

臣 紀昀 覆勘

欽定四庫全書

普濟方卷六十五

牙齒門

總論

明 周王朱橚 撰

夫口齒者為臟腑之門戶呼吸之機關納滋味以充腸
腸道津液以潤經脈故口為脾之應侯齒作骨之榮華
在乎一身實為大要是以黃廷經云只為玉池太和宮

漱嚥靈液災不干齒治之堅牢白淨則津液美而無病矣或揩洗無方招風致病性有踈懶不能矜持滋蔓既深損齒尤甚夫唇爲飛門齒爲戶門宣發五音摧伏諸殼凡有病起因口內含惡氣以嚥津益痰癖而在隔使心胸壅滯毒氣攻蒸而薰之焉得不損究其病本實有多般且疳蠱者其齒斷虛軟無膿血又口蠱者其齒斷觸着卽血膿出口疳其斷不觸自然膿血出又風疳者其齒斷上微有小孔形如蜂窠之狀又齒疳其齒骨

脆爛又齒斷唇口忽變白色或作青黑色者是急疳之狀也死不過旬日宜急治之先看唇頰裏有紫赤或青黑脈處卽須針去惡血不然烙之亦好附齒有黃黑色物似爛骨之狀者名爲齒狀凡治齒者先看有此物卽須用疳刀掠之附齒有物如蟬翼或如雞子或如絲纏着齒根亦須用疳刀掠之不爾則齒斷永不着齒根也今夫齒者骨之所終髓之所養腎實主之經云腎乘則齒豁精固則齒堅或曰手陽明之支脈入齒手陽明者

大腸經也於齒何預不思大腸傳送氣道行焉壅則齒浮虛則宜露挾風則上攻頭面疳蠱則變成齲脫不相為而實相關也夫齒之為痛者五一曰風熱二曰風冷三曰毒痰四曰惡血五曰蟲蝕風氣襲虛客於齒間乘於血氣故令斷腫熱氣加之膿汁遺臭此風熱之為齒痛一也血氣不足骨髓空虛風冷湊入停於齒根不腫不蛀日漸動搖此風冷之為齒痛二也熱則生痰毒氣上攻灌注經絡最能發痛外證壅盛漱唾交衝此毒痰

之為齒痛三也頭面有風挾熱攻斷熱博於血故令血出瘀滯不消掣痛鎖刺此惡血之為齒痛四也凡人飲食腦甘不能潔齒腐臭之氣淹漬日久齒根有孔蟲在其間蝕一齒盡又度其餘至如疳蠱皆其種類必蟲殺而後痛止五也且百物養生莫先口齒不漱不洗損齒之媒是不惟患生宿腐而暑酒毒常伏於口齒之間莫若時時洗漱之為愈也臨睡洗畢至於晨興灌漱一口吐出掌中就掌滌眼自覺光明終身行之真可謂終身

受用 凡齒斷宣露多是疳慝及月蝕以角蒿灰夜傳斷間使滿勿食油二三夜瘥食油乾棗即發所以患齒者忌油乾棗及柱心每旦以一捻鹽內口中以煖水含化揩齒及扣齒百遍為之不絕不過五日齒牢密凡人齒斷不能食菓菜者皆由齒根露也為此鹽湯揩齒扣齒法無不愈也神良凡人好患齒病多胃蝕夜食飲之所致也識者宜深慎之以日月蝕未平時特忌飲食小兒亦然澤州李繼之忽病牙疼皺眉不語藥景先見之

曰何不樂也曰牙痛藥曰曾記張戴人云陽明經熱有餘也宜大下之乃付舟車丸七十粒服畢過數下知交留飲強飲熱酒數盃熱藥為酒所發盡吐之吐畢而痛止李大服曰戴人神人也不三五日大痛大服前藥一百餘粒大下數行乃愈

牙齒歷蠹

論

牙齒歷蠹者皆腎氣虛弱骨髓不固氣血衰耗不能榮滿於口齒故令牙齒黯黑謂之歷蠹腎主骨齒者骨之

餘也人之腎氣強勝骨髓堅固則牙齒瑩白璀璨今腎氣虛弱無以榮於骨髓故令牙齒槁而黑黃

方

獨活丸 治牙齒歷蠹齒根黯黑

獨活 防風去蘆頭 芎藭 細辛 當歸 沉香

乾生地黃各一兩 雞舌香 零陵香 川升麻 甘

草

右為末以化了蠟和丸如紅苴大綿裹當含一九嚥

津

穀精草散 治牙齒歷蠹

穀精草一兩 馬齒莧半兩 甜田菁苗半兩 川升麻半兩

白礬一分 乾漆一分 猪牙皂莢一兩 乾蝦蟆三兩

右搗細羅為散入鉢細研令勻每用半錢敷於患處

有涎即吐日三度用之

皂鹽散出聖濟總錄 治牙齒歷蠹黯黑

皂莢一挺 酥炙 鹽花 槐皮各半兩 升麻 白礬令

汁 枯 甘松香 細辛 去苗葉 各一分

右為細散先以鹽揩齒後用藥半錢勻敷之

升麻散 出聖濟 總錄 治牙齒歷蠹齒根黯黑

槐枝皮 兩半 升麻 兩半 白附子 炮 密陀僧 煨 露蜂房 各一分

右為細散入地黃汁一合和勻陰乾每用揩齒

黃丹散 治牙齒歷蠹色黑

黃丹 兩半 白礬 兩 川升麻 一分 細辛 末一分 麝香 末一分

右先研白礬黃丹令細於生鐵銚子內炒如火色取出於地上用紙一重襯以物蓋之出火毒一宿後入川升麻等三味同細研為散用半錢搽於患處效

穀精草散 出聖濟 總錄 治齒歷蠹

穀精草 燒 白礬 灰 各一分 蟾酥 一觔 麝香 少

右細研為散於宣露處貼之

柳枝膏 出聖濟 總類 治齒歷蠹

柳枝 剉一握 防風 去苗葉 細辛 去苗葉 鹽花 各一分

右用水三盞煎至一盞半去滓更煎膏以磁器收每用薄紙剪如柳葉塗藥貼齒上

麝香散

出聖濟總錄

治齒歷蠹

麝香

一

定粉

錢一

黃蠟

兩半

右細研前二味後鎔蠟調攤紙上臨臥時剪作片子貼所患齒痛止

胡桐淚散

出聖濟總錄

治牙齒歷蠹齒根黯黑

胡桐淚

一兩

丹砂

兩半

麝香

一分

右同研極細常用揩齒

脆壞欲盡方

出聖濟總錄

治牙齒歷蠹

右用白礬不拘多少新綿裹之以所患齒咬定有涎即吐一方治齒腫枯過為末敷齒根下或熱水漱之

亦治牙疼

牙齒疼痛論

夫牙齒痛者是牙齒相引痛牙齒是骨之所終髓之所養陽明之脈入於齒若髓氣不足陽明脈虛不能深於

牙齒為風冷所傷故疼痛也又有蟲食於牙齒則齒有孔蟲居其間又傳變餘齒皆以疼痛此則針可瘥傳藥蟲死痛止 牙齒疼痛有二手陽脈虛風冷乘之而痛者謂之風痛蟲居齒根侵蝕不已傳受餘齒而痛者謂之蟲痛二者不同古方有塗傳漱潔之藥治風去蟲用之各有法也 治牙疼法熱怕冷水冷怕熱湯不怕冷熱即是風牙有蟲竅者是即蟲牙熱則用牙硝礬金雄黃荊芥之類冷則用乾姜葶藶細辛之類熱牙宣於牙

斷上出血腫痛牙用藥皆以溫湯漱之

方

牙藥麝香散

出御藥院

牢牙齒止疼痛養氣血黑鬚鬢

綠礬

枯

生地黄

青黛

各半兩

青鹽

二錢

石膽

炒三錢

子皮 何首烏 龍骨

白茯苓

一兩

縮砂

八錢

零陵香

藿香葉

各六錢

百藥煎

一兩

細辛

二錢

麝香

各三錢

石燕子

燒通赤醋滓七次半兩

五倍子

一兩二錢

右為細末每用以刷牙蘸藥刷牙齒上待少時用溫

水微漱早晨食後或臥日用三兩次

防風散

出聖濟總錄

治牙疼舌癢食物不得

防風

去

升麻柱

去粗皮

白石脂

研

當歸

切焙

檳榔

剉

桑

根白皮

剉炒

乾木瓜

人參

黃連

去鬚

羌活

去蘆頭

芎

窮

剉

天雄

炮製去皮齊各二兩

黃岑

去黑心

遠志

去心

半兩

右咬咀每服三錢水一盞生薑五片煎至七分去滓

温服

藁本湯

出聖濟總錄

治牙疼

藁本

去苗土

芎窮

防風

去

蔓荆實

去皮

細辛

去苗葉

羌

活

去蘆頭

升麻

木通

剉各三兩

楊白皮

細切二兩

鹽

二兩

露蜂

房

炙擘碎

狼牙草

切

莽草

去梗各半兩

大豆

炒令香

熟二合

右搗節每用五錢水一盞入生地黄汁少許煎十餘

沸去滓熱漱冷吐

齒斷通用方

出直指方

草撥

生地黄

當歸鬚

荆芥穗

白芷

桑

白皮

炒

蜂房

炒

赤芍藥

薑黃

細辛

藁本

赤甘草

生等分

右為粗末每服三錢井水調頻漱齒

丁香膏

出聖濟總錄

治牙齒痛

丁香膏

三兩好者以水三升煎至半升

黃蠟

三兩

沉香

二兩水三升煎至半升

細辛

三兩去苗葉水三升煎至半升

麝香

一兩別研

丹砂

一兩煉

松脂

一兩煉

黃耆

剉一分

鉛丹

三兩

硫黃

一兩研如粉

右先以銀器中煎丁香沉香汁次入細辛汁煎半以來次入松脂次入諸藥末候藥無水氣即入好麻油

五兩以柳木篋子攪不得住手候膏成即入銀器中盛之如牙齒冷痛以塗絹可牙齒大小貼之立效貼藥斷腫出膿血並是病蟲出也

莽草散

出御藥院

治牙齒痛烏髭鬢穿牙

莽草

去苗

牛膝

取白

胡蒜子

生乾地黄

生薑

兔絲子

無食子

桐子漆

猪牙皂角

各六兩

右各剉如麻豆大入藏瓶鹽泥固濟火煉一日後入

地一尺二寸深埋三伏時取出露三夜不得見日氣
研羅為細散每用手指蘸藥於牙上旋擦

神應散 擦牙疼

川芎 防風 升麻 細辛 茯苓 白芷 香

附子 萆撥 甘松 各等分 石膏 此已上加三倍

右為細末每服晚臨臥刷淨牙以指蘸藥擦熱麻漱

去常用牢牙去風

羗活散 出上海方 治牙疼

胡椒 川椒 川芎 炮烙二錢 荊芥穗 白芷 防風

草烏 羗活 萆撥 露蜂房 各半兩

右並日乾為末指牙鹽湯漱之忌食動風物

露蜂房散 治諸牙疼不可忍者

當歸 細辛 川芎 赤芍藥 白芷 防風

藁本 升麻 房蜂 炒各二錢 川椒 五粒

右作一貼用白水煎乘熱含冷吐之頻用妙

清風定痛散

荆芥穗一兩 樸硝二兩 膽礬一錢 羅青二錢 防風 細辛

白芷 全蝎 升麻 草烏以上各五錢

右為細末每用擦牙

治牙疼

胡椒 麝香 青鹽 芫花 乳香 萆撥 良

薑 雄黃 細辛 烏頭

右為細末牙疼時噙水一口左邊牙痛用藥些少吹

入左鼻孔內右邊牙疼吹入右鼻孔內即止

升麻散出聖濟總錄 治牙齒疼痛生斷肉去熱毒解外風

防風去義 當歸切焙 升麻各一兩 藁本去苗土 甘草炙 白芷

細辛去苗土 芎藭各半兩 木香一分

右為散於乳鉢中研細塗貼齒斷粗者以水二盞藥

五錢煎五七沸去滓熱漱冷吐候嚥不妨

升麻散出經驗良方 治牙疼腮腫

升麻 地黄 川芎 地骨皮 槐子 細辛

皂角 白芷各半兩 川椒二錢

右為細末以藥少許揩牙有涎吐出用鹽湯灌漱

專治牙疼出上海上方

川芎二錢升麻一兩石膏四兩蝎稍一錢細辛一兩胡椒半兩

芥穗一錢葦撥一錢膽礬少許

右為細末先以溫漿漱過用藥一字擦痛處又以漿水漱口再以藥擦之叩齒三遍再以溫漿漱去再不

痛

定痛牙散

防風 荆芥穗各二兩 細辛一兩 草烏一兩 白芷一兩 全蝎一兩

七錢半 青鹽五錢 樸硝一兩 青黛五錢

右為細末每用少許先以鹽湯漱淨後擦患處再漱

麝香白牙散出德生堂 治牙疼牙宣口臭

石膏半兩 細辛一兩 刺疾藜一兩 青鹽半兩 柰子五錢

丁香三錢 甘松三錢 檀香三錢 白芷三錢

右為細末入麝少許研勻用手擦以唾津濕蘸藥加

川芎半兩又炒

茯神散 治牙齒疼痛

茯神去木一分 白茯苓去黑皮一分 松脂一分 丹砂一分 青

箱子半兩炒 白礬一兩熬 麝香半兩 乳香一分

右為散貼於牙齒疼痛處

定愈散 治牙齒痛

乳香兩半 白礬一兩 黃耆兩 琥珀兩 松脂一兩 汁盡

青箱子一兩熬 丹砂半兩 麝香三分

右為散更別搗乳香煉熟為汁入前藥中如有疼痛

蟲孔之中乾貼之不用諸物貼藥之時未得用水其

痛立止

升麻散 治牙齒疼痛

川升麻兩半 莽草一分 桑寄生一分 地骨皮兩半 防風兩半

藁本一分 柳枝一握 槐白皮半兩

右為散每用五錢以水二大盞入鹽末一錢荆芥五

穗煎至一盞去滓熱含冷吐日三

槐枝八仙散 治牙齒疼痛

地骨皮 生乾地黄 梧桐律 莽草 各一兩 細辛

去苗半兩 乳香 另研 青鹽 各二錢半 新槐枝 取東引者五握細剉對本人稱重一兩

右除槐枝乳香青鹽外同為細末另入槐枝乳香青

鹽攪勻停分作八服每服用水三盞煎三沸去滓帶

熱綏綏漱之候嚥無妨冷即吐出大止牙疼痛愈更

宜再漱忌甘甜之物

檳榔散 出御藥院 治牙齒疼痛連斷頰俱腫去風熱消腫痛

檳榔 荆芥穗 甘草 升麻 羌活 藁本

木香 細辛 各半兩

右並不見火生搗羅為末每用半錢傳在腫痛處吐津候嚥無妨不拘時候

延斷散 出御藥院 牢牙齒定疼痛固斷齧益氣血黑髭鬚大

有神效

澤烏頭 皂角 去皮 生地黄 各一兩

右三同為粗末用生薑自然汁和成團子用槐枝火

燒令煙盡取出於淨地上用碗蓋一宿出火毒再搗為細末入後件藥

細辛取末青鹽各三錢石膽白礬灰麝香各二錢五味另

研

右件入前藥中同研令勻細每用擦牙病處或用刷牙蘸刷亦得早晨食後臨臥日用三次有津即吐悞

嚙不妨

白茯苓出神效方治牙疼

細辛去苗白茯苓去皮升麻萆撥青鹽明石膏
川芎不蛀皂角去皮弦酥炙黃
色以上各等分

雄黃散出醫方大成治諸牙疼

雄黃細辛青鹽一方有枯乳香別研良薑萆撥麝香胡椒

右為細末以溫漿水刷淨後用藥末於痛處擦追出頑涎休吐了漱數十次痛立止忌油膩一二日

細辛散 出聖惠方名含漱湯 療齒痛徐徐擦抹以涎溜為度不可

嚥下

獨活 三兩 芎藭 當歸 萆撥 黃岑 甘草 細

辛 各二兩 雞舌香 一兩

右切以水五升煮取三升去滓含漱須臾悶乃吐更

含之

七寶散 治牙疼

膽礬 錢半 細辛 錢半 青礬 砂仁 滑石 川芎 萆

右為細末入麝香少許好江茶與藥對半用早晚擦

牙

撥 如有蟲用無不用 五倍子 一錢

芎藭湯 出聖濟總錄 治牙齒疼痛

芎藭 三分 莽草 去枝半兩 獨活 去蘆頭到一兩 防風 去叉三分 細辛 去苗

葉半 郁李仁 微去皮二分 葭若 炒令熟一分

右粗搗節每用五錢以酒一升煎三五沸去滓熱漱

冷吐

草烏頭散 出聖濟總錄 治牙齒疼痛

高良薑 細辛 去苗葉 草撥 白姜蠶 五靈脂 各半

兩乳香 一錢 草烏頭 未泔浸一宿去粗皮切作片炒一兩

右搗羅為散凡用一字揩牙合口少時去涎盡以漱

湯漱口

柳枝湯 出聖濟總錄 治齒痛連牙領疼

槐枝 切 柳枝 切 黑豆 各一兩 蜀椒 去目并合口炒山焯半兩 鹽

細辛 去苗葉 羌活 去蘆頭各一分

右除椒鹽外並粗搗篩先以水六盞煎取二盞去滓入椒鹽再煎取一盞通口漱之不拘時以瘥為度

芎藭散 出千金方 治牙痛

芎藭 細辛 防風 礬子 附子 藜蘆 莽

草

右各等分作末綿裹彈子大酒浸安患處含之勿嚥日三次刺破極佳

升麻散 出御藥院 治牙疼

升麻 荆芥穗 川芎 細辛 去苗葉土 防風 各半兩 椒

去目微炒一錢 露蜂房 一錢

右為粗末每用三錢水一大盞煎三兩沸去滓溫漱冷即吐

生地黄散 出御藥院 治牙齒疼痛

生地黄 升麻 川芎 防風 露蜂房 炒焦各一兩

大皂角 三錢去黑皮炙焦 華陰細辛 揀淨用一兩

右為粗末每服三四錢用水一大盞入荆芥數穗同

煎至八分濾去滓微熱漱口冷即吐食後或臨臥日漱三兩次

歸荆散 出永類幹方 治一切牙疼

川升麻 當歸 川鬱金 細辛 華撥 白芷

荆芥 各等分

右為末用瓦盒子貯之緊閉合口勿令泄氣每用少許指在牙痛處以溫荆芥湯灌漱立效鹽湯亦可

川芎散 出海上方 灌漱

川芎 白芷 荆芥 羌活 硝 鼠粘子 升
麻 各等分

右同煎温漱

防風散 治牙疼

川烏頭 防風 去蘆 白芷 各一兩 川芎 一兩二錢半 草烏頭

半兩 細辛 去苗土淨 蒼朮 二兩去皮實者

右先用鹽擦後方用藥末擦上效

定痛追風散 治牙疼

全蝎 香白芷 細辛 荆芥 防風 川芎
川椒 各一錢

右煎湯灌漱之

温風散 出直指方 治風冷齒痛

當歸 川芎 細辛 白芷 葶撥 藁本 小蜂

房 炒各等分

右剉每二錢并水煎沸仍含漱

開笑散 出聖濟總類 治牙齒痛塞鼻

乳香 雄黃 硫黃各一分 麝香半分 礞霜一分 阿魏半分

右為末炊餅皮丸如雞頭實大如左邊痛即用藥一

九以薄綿裹左鼻竅內痛止即去之右邊亦然

細辛散出聖濟總錄 治牙齒疼痛頭面浮腫喫冷熱物不得

細辛去苗葉 芎藭 藁本去苗土 地骨皮半兩 藜蘆子

三獨活去蘆頭 各一分

右為散綿裹如江豆大含花嚙津每日三五度易之

去膈間風熱若患頭風鼻塞先以油塗頂心以手摩

一二百遍次用散一錢又摩頂心依前摩數遍必瘥

立勝散出御藥院 治牙齒腫悶疼痛宜洩諸陽毒氣行經絡

鬱滯

細辛 蝎稍各半分 藜蘆 白礬生 雄黃研 猪牙皂

角去皮炙 各一分

右同為末每用一豆許噙溫水隨患左右鼻內嚙

一字散出御藥院 治牙齒疼痛

蝎稍 細辛 萹撥 胡椒 高良薑 露蜂房

炒黃各
半兩

右為細末每用半字噙濕水隨痛左右鼻內嚙更用
半錢擦牙痛有津即吐候嚙不妨不拘時候

乳香定痛散

出御藥院

治牙齒疼痛

乳香

半錢

青黛

二錢

盆硝

半兩

麝香

一字

玄胡索

江豆

各三

十個

右為細末每用少許以指蘸藥於牙齒疼處有津即
吐候嚙不妨如痛甚用藥一字噙溫水隨痛處鼻內

嚙

透關散

出楊氏家藏方

治牙疼

蜈蚣頭

去毒

蝎蛸

去毒

草烏頭尖

如麥粒大者各十枚

胡椒

七粒

烏頭底

如錢薄各十枚

雄黃

七粒

仁別研

如麥

右為細末搥子蘸藥醋點少許於火上炙乾塞兩耳
內閉口少時即可取效

治牙疼

出經驗良方

香附子

蘆藜

樟腦

細辛

萹澄茄

防風

各等分

右為末擦之極驗

升麻湯 治牙疼

川芎一錢 升麻七錢 葶撥半錢 石膏二兩 蝎蛸五錢 荆芥一錢

半

右為細末先用漿水漱牙用藥擦後用藥漱之

甘松香散出范氏方 治一切牙痛

甘松香 莽草各三錢 硫黃半錢 川烏去皮三錢 北細辛去葉

香附子三錢 炒去毛 二錢

右為末以手指蘸少許指牙上立效後用鹽湯灌漱

妙

治牙疼方

石膏 盆硝 乳香沒藥 雄黃 川芎以上各等分

右為細末如右牙疼口噲水嚙右鼻內如左牙疼左鼻內嚙之

治牙疼方

膽礬 綠礬 晉礬 細辛 雄黃字一 胡索

右藥末停勻如藥一兩以十分好江茶一兩和勻擦患處溫水漱數次即愈

地骨皮散出聖惠方 治牙齒連腮骨相引疼痛

地骨皮一兩 獨活一兩 莽草半兩 細辛半兩 附子一枚生用去皮臍

杏仁湯浸去皮尖雙仁麥炒微黃

右粗羅為散每用半兩以酒二升浸一宿於銅器中慢火煎之稍熱含之冷吐勿嚙日三用之

雞舌香散出十便良方 治牙齒風毒所攻疼痛不止

雞舌香半兩 細辛兩 附子生去皮臍 獨活各半兩 川椒一分去目

及閉口者 麝香半分細研

右為末綿裹如棗核大含之有涎即旋吐却含三度

瘥

治牙齒疼痛不可忍者

芎藭 細辛 防風去蘆頭 附子生用去皮臍 藜蘆去蘆頭

莽草以上各一兩

右為散以綿裹熱酒浸熨所患處兼綿裹以齒咬之
勿嚥其汁

蒸芎散 治牙腫痛

蒸芎 大黃 防風 梔子 薄荷 連翹

右等分水煎漱

防風散 出聖濟總錄 治牙齒疼痛

防風 去義 當歸 切焙 芎藭 細辛 去苗葉各一兩 附子 炮製半兩

右吹咀如麻豆每用藥五錢以水一盞入生薑五片

煎十餘沸去滓熱漱冷吐

藁本散 出御藥院 治牙齒疼痛

藁本 一兩 川芎 細辛 各半兩 胡桐律 三錢 白礬灰 二錢

右為細末每用一指蘸藥擦牙病處吐津候嚥不妨

治一切牙疼 出海上方

玄胡索 焰硝 地龍 去土 雄黃 蝎稍

右等分為末每用少許含水搗鼻內

雄黃定痛散 出膏方大成 治牙齒疼痛

盆硝

別研 二錢

雄黃

別研 一錢

大蒜

二枚

細辛

四錢

牙皂角

四錢

右為末同大蒜一處搗為膏丸如梧桐子大每用一丸將綿子裹藥左邊牙疼放在左耳右邊牙疼放在右耳內良久痛止取出丸可治數人

巴豆散 治牙疼

巴豆

七個 去皮

雄黃

大椒

葶撥

密陀僧

各二錢

右為細末飯為丸作錠子綿裹塞痛處

露蜂房

出海 上方

治牙疼

露蜂房

道人頭

紫芫花

細辛

良薑

各半錢

右為細末煎湯漱口即愈

牙痛方

出海 上方

海馬

一對 大者

雄黃

五錢

良薑

五錢

輕粉

少許

麝香

少許

右為細末每用少許口噙水如左牙疼以鵝翎管抄藥以左鼻孔吸入如右牙疼以右鼻孔吸入其效如

神

齊蜂川椒散

出貢 指方

齒痛通用

紅川椒

錢四樟腦

明礬

錢一煨

赤小豆

確仁

各二錢

右為末少許塞傳噉不妨齒痛藉川椒麻痺

菖蒲散 治牙齒痠動搖作臭血出

棘鍼

燒灰

石菖蒲

細辛

去苗葉各半兩

乾薑

炮製

雞舌香

各一分

右搗羅為散以綿裹一錢貼牙齒上有涎吐之

療牙齒疼肉宣露風冷

獨活

七兩

生地骨白皮

切三斗

細辛

一兩

楓柳皮

一兩

甘草

二兩

右切以水五升煮取一升細細含勿噉冷即吐之

化毒膏 治牙痛腮腫

葱根

一握

出衣粉

一兩

豆粉

一兩

頭髮灰

三錢

黃栢

五錢

右為細末淡醋調膏貼於腫處緋帛封之頻頻唾濕

勿令乾了

治牙疼不可忍者

出傳信 通用方

乳香

一錢

胡桃

一分

華撥

一分

附子皮尖

一錢

蝎稍

半錢

右為細末擦牙痛處少時用荊芥湯漱

莽草散 出聖惠方 治牙疼連頰腫

莽草 細辛 附子 各一兩生用去皮臍 枳殼 半兩去瓢 川椒 一分

去目及閉口者微炒出汗

右搗篩每用半兩以水一大盞煎至一盞去滓熱含

冷吐不得嚙之

鉛丹丸 出聖濟總錄 治牙齒疼痛

鉛丹 一兩 莽草 半兩 附子 半生半熟一枝 蜀椒 去目并閉口者炒一分

右為末以麵糊丸如芥子大綿裹一丸內蟲孔者即

瘥

槐枝湯 一名莽草葉散出聖濟總錄 治牙齒疼痛

槐枝 五握到 升麻 莽草 一方用葉 胡桐淚 各一兩

右咀咬分三服每服水三盞煎三二沸到口漱深大

止牙痛

立效散 出御藥院 治牙疼不可忍

百草霜 滄鹽 乳香 麝香 各一錢研 棟去皮毛另研極細半錢

右一處再研極細勻每用少許口噙溫水隨牙痛一邊鼻內嚙之

漱風散 出御藥院

治牙齒疼痛斷腫

荊芥穗 藁本 細辛 香附子 各等分

右為粗末每用五錢水三盞半煎至一盞去滓熱漱冷吐不拘時候

茯苓散 出御藥院

治牙齒疼及牙斷腫痛

白茯苓 去皮 細辛 去苗 香白芷 各一兩 寒水石 四兩

右為細末每用少許擦牙痛處合口良久吐出津然後用溫水漱之不拘時候

捻金散 出御藥院

蝎稍 二兩 川芎 一兩 香白芷 萹陰細辛 各半兩

右為細末每服少許以指蘸藥擦牙痛處吐津候嚙不妨不拘時候

露蜂房散 出御藥院 治牙齒疼痛經驗神效

露蜂房 炒 細辛 各一兩 大戟 三兩 防風 半兩

右為細末每用五錢水一大盞煎至八分去粗熱漱
冷吐不拘時

單撥散 出御藥院 治牙齒疼神妙

單撥 二錢 蝎稍 一分 良薑 各一分 草烏頭 尖半錢生不去皮

右為細末指蘸擦牙痛處吐津候嚥不妨

單撥散 一名單薛散 出醫方大成 治牙齒疼痛

良薑 一方 胡椒 一方 單撥 草薛 細辛 各等分

右為細末每用少許噙溫水隨痛處鼻內嚙

地骨皮湯 出聖濟總錄 治牙齒疼痛喫物不得

地骨皮 一兩 戎鹽 研一分一作銅炒 細辛 去苗葉半兩 生乾地黄

一兩

右粗搗篩每用五錢水二盞煎三五沸去滓熱漱冷

吐以瘥為度

丁香散 出醫方集成 治牙齒疼痛

丁香 各七個 單撥 各七個 蝎稍 各七個 大椒 各七個

右為細末每用少許以指指藥擦於牙疼處有津即

吐

玉池散

出御藥院

治牙齒疼痛不可忍

細辛

去苗葉土

胡椒

各半兩

荊芥穗

二錢半

寒水石

燒通紅

研細一

兩

右為細末與寒水石一處再研令細勻用軟刷牙如

常刷牙使用日用三二次

牢牙散

出濟生方

治一切齒疼不問久新

全蝎

七個去毒

細辛

洗淨二錢

草烏

二個去皮

乳香

二錢別研

右為細末每用少許擦患處須臾以引涎吐之温鹽

水盪漱之

蟾酥丸

出濟生方

治牙疼不可忍

蟾酥

一字

生附子角

二豆大

巴豆

一枚去皮

麝香

少許

右研令勻蒸餅為丸黍豆大以新綿裹一丸咬之有

涎即吐之

蒲黃末散

出仁存方

治牙疼

蒲黃末

半錢

乳香末

半錢

白芷末

各半錢

雄黃末

一錢

右勻以紙蘸藥一字許緊含耳內隨左右仍以荆芥咬在痛牙上

搗鼻散 出上海方 治牙痛諸藥不効者

紅豆 華撥 良薑 歲靈仙 各等分

右為細末每用少許搗入鼻中立效

香椒散 出楊氏家藏方 治諸般牙疼

草烏 生 胡椒 乳香 另研 蝎稍 各等分

右為細末搯疼處吐涎立效

透明雄黃散 治牙疼

透明雄黃散 一錢 透明摘乳 一錢 去節麻 半兩 緊細香白

芷 一字

右各另研為細末用紙緊捲作撚兒約三寸長撚一頭尖用津液蘸藥在紙尖頭上扎入耳內即愈扎得

耳緊

房蜂窠散 治牙疼

房蜂窠 蒼耳 椒 茄子蒂

右各等分為細末每用二三錢鹽湯調灌漱之

牙疼藥

兩頭尖 大者一枚 母丁香 一枚 大椒 七粒 麝香 少許

右為末隨左右鼻內嚙之重者少擦之虫者亦擦之立止

治牙疼

韭菜根 十個 好川椒 數十粒 香油 少許 水櫛上積久淤泥

右共搗作餅敷在牙頰外良久自有紅白色小蟲有

鍼大出來除去用藥又加敷上再有蟲數枚出來除去即愈疼定即佳

秘方指牙散 出危氏方 治牙疼遇吃冷熱獨甚

良薑 細辛 大椒 草烏尖 各等分

右為末以指蘸少許指牙上噙少時開口流出涎妙

治牙疼 出本事方

鶴虱 細辛 白芷 甘松 各等分

右為末每用少許指痛處如有蛀孔用飯丸藥末塞

入孔中立效

治急療牙疼

莽草 細辛 枳根皮 各三兩 椒 一合

右切以水一升煮取半升細細含之十度永不發藥有藥毒不得嚙之含了三五度煖水漱口訖以梧

桐律一粒着痛齒上風痛蟲食並瘡

草烏散 治牙齒動搖疼痛及骨槽風

草烏頭 實大者三兩分作三分一分燒存性二分燒黑色為度 細辛 去苗葉 半兩

青鹽 半兩 地龍 去土 一分

右為散早夜如齒藥指牙齒動搖處

療牙齒疼痛 出聖 惠方

防風 附子 蜀椒 各二兩 莽草 一兩

右搗篩為散温清酒一盞和少許含勿嚙汁以酒漱

口十年患亦瘥

治齒痛 出聖 惠方

當歸 桂心 甘草 各二兩 礬石 六分

右以漿水二升取一升含之日五六瘥止

治牙疼方

牡蠣末錢三烏龍尾錢半乾薑末錢半麝錢少許

右為末和勻吹鼻用

神應膏出德生堂貼牙疼

全蝎二十一個五倍子五錢土狗六個地龍二十一條去土

右為細末葱白二根爛搥取汁調成膏紙花貼太陽

左右穴上立效

麝香丸出十便良方治牙齒疼痛

麝香半錢胡椒一分甘松香一分雄黃半分

右為末都研令勻以水蜜和丸如梧桐子大每以新

綿裹一丸安在患處咬之立效也

皂莢丸出聖惠方治牙疼插耳

皂莢一挺穀一合蒜一頭巴豆七粒去皮

右搥研為散每一字綿裹如梧桐子大隨病左右內

耳中立效

阿魏丸 出聖惠方 治牙疼塞鼻

阿魏 臭黃 砒霜 各一分 雄黃

右細研為散以端午日子和丸如梧桐子大如牙疼在左邊即內左鼻中以紙撚之塞之合口閉氣良久即定如是舛牙內一圓有涎即吐却

香椒散 出直指方 治疼證齒痛

香附子 紅川椒 炒 故紙 炒各二錢 萆撥 一錢

桃白皮湯 出聖濟總錄 治牙齒疼痛

桃白皮 槐白皮 柳白皮 各二兩

右剉如麻豆分為六貼每貼以酒一升浸一宿煎三五沸去滓熱漱冷吐

藜蘆散 出聖濟總錄 治牙齒疼痛

藜蘆 去蘆頭半兩 附子 炮製去皮臍一分 麝香 一分

右搗羅為散每用半錢擦齒上牙有蟲孔即綿裹少許內之

蜀椒湯 一名如神散 治牙齒疼痛亦治舌腫強及齒腫

不消及風虫牙疼疼日夜不止睡臥不安不問年遠日近並皆療之

蜀椒 去目并開口者炒出汗 鹽 研用青色 土蜂房 各一分一方用露蜂房微炒

右搗篩每服五錢以水三盞入葱白三寸煎十餘沸熱漱冷吐日三五度一方無葱白醋漿水煎亦可一

眼立效不可入室中

鵝醬散 出御藥院 治牙齒疼痛發作往來不已

鵝醬 各半 細辛 兩 大皂角 一錠去皮子青鹽每竅隙滿火燒存性細研用

右為末如痛時用軟刷牙蘸藥刷痛處次用莽草葉

散灌漱 莽草葉散方見木頭槐枝湯

地龍散 出神效方 治牙齒疼痛

地龍 去土 延胡索 萆撥 各一分

右為細末左邊牙疼用一塊新綿裹納左耳中右牙疼納右耳中其疼必止

一字救苦散 出御藥院 治牙疼

香白芷 一兩 雄黃 錢半 草烏頭 半兩去皮心臍白者用心黑者不用

右為細末與雄黃拌勻每服藥末少許擦於患處少時溫水漱止

細辛散 出御藥院 治牙齒疼痛

荊芥 細辛 露蜂房 各等分

右為粗末每用三錢水一大盞煎至七分去滓溫漱

冷吐

三聖散 出御藥院 治牙齒疼痛久不已

細辛 一兩 剉 荊芥穗 二兩 剉 蒼耳莖 三兩 剉

右並咬咀每用半兩水三大盞煎至一盞半去滓熱漱冷吐悞嚥無妨以痛止為度

麝香玉線子

豆粉 半兩 信 一錢 枯白礬 一錢半

右同研入麝香半錢再研為細末滴水而於手皆上擦作線如用時先以漿水漱口用毛翎刷了縫中淨臨臥貼或為線子住於縫中

玄胡索散 治牙疼

玄胡索 一錢 班猫 三個去頭尾炒 白丁香 三十個

右為細末新吸水調為丸小豆大新綿裹左疼入左

耳右疼入右耳

治牙疼 出危氏方

雄黃 各一錢 沒藥 各一錢 乳香 半錢

右為末若左邊疼用藥些少搗入左鼻又吹入左耳

若右邊疼用藥些少搗入右鼻入右耳無不效驗

雄黃散 治牙疼

雄黃 紅豆 滄鹽

右為細末嚙一字入鼻中

白礬散 治牙疼

屋松 白礬 蜂窩 炒各等分

右粗末醋煎熱漱涼牙

追風散 出端竹堂 治諸般牙疼

貫衆 鶴虱 荆芥穗 各等分

右為吹咀每用二錢加川椒五十粒用火一碗煎至

七分去滓熱漱吐去藥立效

姜黃散

出上海上方

治諸牙疼不可忍舒廷之撫幹嘗患通用

諸藥方無若此方之良

姜黃

如無以川芎代

細辛

白芷

各等分

右為末擦三兩次鹽湯灌漱立止如蛀牙疼去姜黃

加蝎稍立效政和八年胡長文給事之父牙疼不可

忍面腫偶無姜黃檢本草川芎亦治牙遂代之坐間

便見腫消痛止後止用川芎亦驗

麝香散

出上海上方

治諸般牙疼

全蝎

三個

麝香

一字

細辛

二錢

右為細末乾擦牙疼處候涎出盡方用鹽湯漱

治牙疼

蟾酥

少許

巴豆

去油如泥

杏仁

燒

右研為泥用綿裹似粟米大如蛀牙扎入蛀處如風

牙扎入牙縫內涎盡為驗

漱牙羗活散

薄荷一錢半 羌活一錢 大黃半錢

右吹咀作一服用水二盞煎至一盞去滓溫漱冷吐之嚥亦不妨

齒痛通用方出直指方

蜂房炒 明礬煨 黃丹等分

右為末飯為小圓塞齒

川芎散出脆氏方 治面腫牙疼不可忍

川芎 白芷 細辛各等分

右為末擦兩三次鹽湯漱立止

巴豆丸一名麝香丸 出聖惠方 療牙疼

巴豆十枚去皮心 熬研如膏 大棗二十枚 取肉 細辛一兩 末

右相和研為丸以綿裹着所疼處咬之如有涕唾却勿嚥入喉中日三瘥一方有麝香有蚰孔即內一圓立止

治牙疼方

蘇朮兒藤剉 川椒撮 燈心一把

右為水濃煎去滓溫漱吐之數便立效

立柱散 出德生堂 治牙疼如神

荊芥 京杖子 草撥

右等分吹咀每服三錢水一盞煎七分去滓溫漱吐

去涎

喝佳散 出德生堂 治牙疼如神

丁香 石膏 川芎

右各等分為細末用手指點唾津蘸藥末擦牙吐去

涎再擦三上即住疼

砒霜丸 出聖惠方 治牙疼

砒霜 半錢 乾地龍 三錢末 巴豆 六枚去殼

右同研令細以猪脂膽和丸如麻豆大綿裹一丸於病處咬之有涎即吐

白芥子吹鼻散 出聖惠方 治牙疼

白芥子 舶上蒔蘿薑臺子 各一兩

右搗細羅為散每用一次如患左邊疼即吹入右鼻

中如患右邊即吹入左鼻中仍先淨洗鼻中吹藥即
驗

白楊皮散

出聖惠方

治牙疼

白楊樹皮

一握細辛

半兩露蜂房

兩半

右搗篩為散每用三錢以水一大盞浸一宿煎令三

五沸去滓熱含冷吐

治牙齒立效方

出聖惠方

生附子角

十枚

蟾酥

篆豆大

麝香

一

右都研令細用糯米飯和丸如黍米大以綿裹一丸

於痛處咬之有涎即吐

吳茱萸散

出聖濟總錄

治牙齒疼

吳茱萸

湯浸焙炒

白芷

右等分為散用沸湯浸藥一錢漱疼處

乳香散

出聖濟總錄

治牙齒疼痛不可忍

乳香

半錢蜀椒

輕炒取紅為細末一錢

右二味合研為散每用半字一字指貼痛處良久溫

荊芥湯漱口立效一方研細溶蠟丸如麻子大每用
一丸塞孔中

葶撥丸 出聖濟
總錄 治牙齒疼痛

葶撥 胡椒

右等分為末化蠟丸如麻子大每用一丸內聾孔中

乾地黄湯 一名穿牙散
出千金方 治牙齒痛及動搖

生乾地黄 焙三
兩 獨活 去蘆頭
一兩

右咬咀如麻豆每用五錢以酒一盞浸一宿煎十餘

沸去滓熱漱冷吐以瘡為度水煎或漬一宿亦可一

方二味各三兩

細辛湯 出聖濟
總錄 治牙齒痛

細辛 去苗
葉 苦參 各一
兩

右剉如麻豆大以水一盞藥五錢煎五七沸去滓熱

漱冷吐

治牙齒疼痛 出聖
惠方

槐白皮 一
握 荊芥穗 半
兩

右以醋一升煎至五合入鹽少許熱含冷吐以瘥為度

補骨脂散 出御藥院 調養血氣治牙齒疼痛久不已

青鹽 半兩 補骨脂 二兩

右同炒令微爆為度候冷取出搗為細末每用少許以指蘸藥擦於牙齒疼處有津即吐悞嚥不妨每日

丁香散補骨脂散相間使用

香附子散 出御藥院 治牙齒疼痛往來不歇

香附子 四兩 細辛 半兩

右為粗末每用二錢水一盞煎至八分去滓稍熱漱冷即吐

追風散 出御藥院 治牙齒疼痛不止

川薑 炮製 川椒 去目各等分

右為細末每用以指蘸藥無時擦牙痛處後鹽湯漱草烏頭散 出端竹堂 治牙齒疼痛動搖不穩用之辟風邪能

令病牙

草烏頭

一兩炒令紫
黑色用尖

細辛

一錢

右為細末每用少許擦牙疼處後用手左右搖動日
用三五次有津則吐候嚥不妨一方治風牙疼為細
末先以冷水洗漱淨用手指點藥擦牙須臾立愈

細辛湯

出御
藥院

治牙齒痛久不瘥

細辛

葷撥 各等
分

右為粗末每用一錢水一鐘煎至七分去滓熱漱冷

吐

獨活散

出御
藥院

治牙痛不可忍諸藥不效者

獨活

二兩
去土

華陰細辛根

一兩
去皮

右為粗末每用五錢冰二盞入荆芥十穗同煎至一

盞去滓熱漱冷吐無時宜先用丁香散擦後用此藥

漱三二次

牙疼

出神
效方

贊

細辛一錢
好硃砂一錢

右為末每用少許痛處擦

又方 出神效方

好紅豆 二錢花減許

右為末隨牙左右疼處鼻內嚙之

治牙疼 出海上方

川芎頭 尖地 花椒

右各等為細末擦患處

普濟方卷六十五

總校官候補知府臣葉佩蓀
校對官助教臣李巖
騰錄監生臣謝家楨